

## SAMSON (c. 485 - c. 565), abad ac esgob yn yr Eglwys Geltaidd

**Enw:** Samson  
**Dyddiad geni:** c. 485  
**Dyddiad marw:** c. 565  
**Rhiant:** Anna  
**Rhiant:** Amwn Ddu  
**Rhyw:** Gwryw  
**Galwedigaeth:** abad ac esgob yn yr Eglwys Geltaidd  
**Maes gweithgaredd:** Crefydd  
**Awdur:** John Williams James

mab Amwn (o Ddyfed) ac Anna (o Went). Addysgwyd ef gan **Illtud** yn Llan Illtud (Dyfed) o 490. Ordeiniwyd ef yn ddiakon ac offeiriad gan **Ddyfrig** ar gais **Illtud**. Mudodd i fynachlog P r (Dyfed eto) a dilynodd B r fel abad wedi ei farw. Ymwelodd ag Iwerddon (ceir eglwysi yn dwyn ei enw yn Ballygriffin, gerllaw Duly, ac yn Ballysamson, swydd Wexford). Dychwelodd i Dyfed fel meudwy i ogof gerllaw Stackpole Elidyr. Cysegrwyd ef yn esgob gan **Ddyfrig** ac eraill ar Ddydd G yl Cadair Pedr, 521, sef 22 Chwefror. Mordwyodd i Gernyw (Padstow, Southill, a Fowey), lle y bu byw am rai blynyddoedd, a threiglodd ei ddylanwad hyd ynysoedd Scilly. Oddi yno aeth i wlad Llydaw, i ymsefydlu yn Dol lle treuliodd weddill ei oes; bu hyn cyn 547, pryd y darfu i **Deilo** ymweled â Samson yma pan yn ffoi rhag y Fad Felen. Prif orchwyl Samson yn Llydaw ydoedd cael rhyddhau ludal, tywysog ieuanc gogledd Llydaw, o'i gaeth-gadwraeth ym Mharis gan Childebert, y brenin Ffrancaidd, ar gais y rhaglaw dichellgar Chonomor. Wedi gorchfygu a lladd Chonomor, ymwelodd Samson unwaith eto â Pharis, i senedd esgobol y Ffranciaid, yn 556, pryd yr arwyddodd benderfyniadau'r senedd fel ' Samson peccator episcopus.' Bu farw 28 Gorffennaf 565.

### Awdur

Y Canghellor John Williams James

### Ffynonellau

Baring-Gould a J. Fisher, *The Lives of the British Saints*, iv, 130-70

T. Taylor, *The Life of St. Samson of Dol* (Llundain 1925) (S.P.C.K.)

Hugh Williams, *Christianity in Early Britain* (Rhydychen 1912), a'i arg. o *Gildae De excidio Britanniae fragmenta, Liber de paenitentia, accedit et Lorica Gildae / Gildas The ruin of Britain, fragments from lost letters, The penitential, together with the Lorica of Gildas*

T. Taylor, *The Celtic Christianity of Cornwall divers sketches and studies* (Llundain 1916)

### Darllen Pellach

Erthygl Wicipedia: [Sant Samson](#)

### Dolenni Ychwanegol

Wikidata: [Q1269091](#)

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.